



Broj predmeta: 02-000049/20
Broj akta: 01.1-1141SM-244/20
Datum, 13. 5. 2020. godine
Mjesto, Brčko

Na osnovu člana 16. i člana 17. Zakona o Vladi Brčko distrikta Bosne i Hercegovine („Službeni glasnik Brčko distrikta BiH“, broj: 22/18 – prečišćeni tekst, 49/18, 8/19, 10/19 i 32/19) i Odluke o imenovanju Štaba za zaštitu i spašavanje Brčko distrikta BiH, broj predmeta: 02-000049/20, broj akta: 01.11-0566LO-006/20 od 13. 3. 2020. godine, broj akta: 01.11-0566LO-012/20 od 13. 3. 2020. godine i broj akta: 01.11-0566LO-020/20 od 16. 3. 2020. godine, a u skladu s članom 18. tačkom o), članom 19. tačkom a), članovima 35. i 37. stavom (1) Zakona o zaštiti i spašavanju ljudi i materijalnih dobara od prirodnih i drugih nesreća u Brčko distriktu Bosne i Hercegovine („Službeni glasnik Brčko distrikta BiH“, broj: 29/16 i 33/16), Odlukom o proglašenju stanja prirodne nesreće zbog COVID-19 (korona virus), broj predmeta: 43-000096/20, broj akta: 01.1-1141SM-001/20 od 13. 3. 2020. godine, u vezi s Odlukom o proglašenju ugroženosti stanovnika Brčko distrikta BiH od epidemije zarazne bolesti – korona virusa (COVID-19), broj predmeta: 02-000049/20, broj akta: 01.11-0566LO-001/20 od 11. 3. 2020. godine i broj akta: 01.11-0566LO-003/20 od 12. 3. 2020. godine, članovima 5. i 6. Poslovnika o načinu rada i rukovođenju Štabom za zaštitu i spašavanje Brčko distrikta BiH, broj predmeta: 02-000057/20, broj akta: 01.11-0566LO-004/20 od 20. 3. 2020. godine i broj akta: 01.11-1161DS-010/20 od 23. 4. 2020. godine, nakon održane telefonske sjednice Štaba, komandant Štaba, gradonačelnik Brčko distrikta BiH dana 13. 5. 2020. godine i z d a j e

N A R E D B U

Član 1.

Ukida se karantin za građane Brčko distrikta BiH koji su po ulasku u Bosnu i Hercegovinu, u skladu s medicinskim standardima i propisima, a po naredbi Štaba za zaštitu i spašavanje Brčko distrikta BiH, bili smješteni u hotelski karantin na području Brčko distrikta BiH.

Član 2.

Lica iz člana 1. ove naredbe uputit će se u kućnu samoizolaciju, u trajanju utvrđenom rješenjem o određivanju karantina, s tim da se vrijeme provedeno u karantinu uračunava u period određen rješenjem o samoizolaciji.

Član 3.

Građanima Brčko distrikta BiH po ulasku u Bosnu i Hercegovinu Inspektorat Brčko distrikta BiH izdavat će rješenja o kućnoj samoizolaciji na period od 14 (četnaest) dana.

Član 4.

Kontrolu nad provođenjem ove naredbe vršit će Odjeljenje za zdravstvo i ostale usluge – Pododjeljenje za javno zdravstvo, Inspektorat i Policija Brčko distrikta BiH.

Član 5.

Ova naredba stupa na snagu danom donošenja, a objavit će se u „Službenom glasniku Brčko distrikta Bosne i Hercegovine“.

DOSTAVITI:

1. Uredu gradonačelnika
2. Zamjeniku gradonačelnika
3. Glavnom koordinatoru Vlade Brčko distrikta BiH
4. Sekretaru Vlade (3x)
5. Odjeljenju za zdravstvo i ostale usluge
 - Pododjeljenju za javno zdravstvo
6. Crvenom krstu/križu Brčko distrikta BiH
7. Svim odjeljenjima Vlade (12x)
8. Uredu gradonačelnika / Inspektorat
9. Policiji Brčko distrikta BiH
10. Članovima Štaba (34x)
11. Ministarstvu sigurnosti BiH, terenski centar Brčko
 - Služba za rad sa strancima, Trg mladih br. 8
12. Ministarstvu sigurnosti BiH – Granična policija BiH
13. Institucijama Brčko distrikta BiH (8x)
14. Javnim preduzećima, fondovima i Zavodu (7x)
15. „Službenom glasniku Brčko distrikta BiH“
16. Arhivi.

GRADONAČELNIK

Mr. sc. Siniša Milić